

intentum, vt veritatem nascentem suffocet: nam simul ac Euangelij doctrina profertur, improborum impietas, quæ prius sopita iacebat, irritatur & acuitur: facilis est descensus ad impietatem & Hæresim; at ascensus ad pietatem & sanam doctrinam est accliuus & salebrosus, spinisque horret, nec nisi perumpendo obstacula, potest via Christi calcari.

Caue credas, ornatissime Verdæ, me, qui commotior sum in Episcopos Angliæ, protinus omnes, quos Anglia tulit Episcopos ab Henrico octauo, perstringere, quorum nonnulli martyrio sunt coronati, & quibus præcipuè debetur euersio Papismi, quique viuentes sub reformatione suis numeris nondum absoluta, retinuerunt, in splendida dignitate Papalem pompam redolente, humiles spiritus, & partes fidelis verbi Dei Ministri, qui solùm honori ducit, iuxta *κρίθεις* Pauli 1. ad Timot. cap. 4. v. 17. incumbere orationi & doctrinæ: quales fuerunt Archiepiscopus Crammerus, Latimerus, Hooperus, Iuellus, & innumerabilij.

Abfit etiam, vtcumque credam Episcoporum munus, vt à plerisque sustinetur in Anglia,